

類

焦

類雋卷第十五

勾吳虞舟鄭若濟

山東按察司副使古虞百樓鍾

穀

校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明夢韓張大器

同閱

臨清州知州古完呂珩 校正

太學生汪琪校梓

身體類

形貌

天性

孟子云形色天性也

人德

德克符云道與

之貌天與之形惡得不謂之人

聖德

黃帝篇云

庖犧女媧神農夏后氏蛇身人面牛首虎鼻有

大聖之德

孔生

史云孔子生而首上圩頂

駢肩

左傳云重耳駢肩

貌像

世家云孔子狀類陽虎

又俊孟象叔孫敖公羊云逢丑父似齊頃故代

頃公爲晉獲又紀信貌似漢王降項羽又蔡邕

卒有虎賁士貌類於邕孔融每酒酣引與同座

世說云張衡死蔡邕舛始孕生子才貌相似時

人有云邕是張衡後身**獨立**世家云孔子獨立

鄭人謂子貢曰東門有人其頰似堯其項類臯

陶其肩類子產**戰勝**韓非子云子夏見曾子曾

子曰何肥也對曰戰勝故肥也吾入見先王之

義則榮之出見富貴之樂又榮之兩者戰于曾

中未知勝負故懼今先生之義勝故肥**威重**王

商有威重長八尺餘容貌過絕人單于來朝商

坐未央庭中單于前拜謁仰視商貌大畏之**鄒**

忌十二國春秋云鄒忌為齊相長八尺餘體肥

粗謂妻曰我與城北徐公孰美妻曰君美忌不信復問妾妾曰君美客從外來忌復問之客亦曰徐公不如君忌思之曰妻美我私我也妾美我畏我也客美我有求於我也乃入朝見威王曰臣誠不如徐公而臣妻妾及客皆言臣美或私畏於臣或有求於臣今齊地千里宮女左右莫不私王朝廷之臣莫不畏王四境之內莫不有求於王王之蔽甚矣王曰善乃令羣臣民能面刺吾過者受上賞

何士

毛曾與夏侯玄共坐

時人謂之兼葭倚玉

寧馨

王衍精神俊秀山濤

見而嘆曰何物老嫗生寧馨兒嘗與交遊詣酒家飲觀者如市酒家益樽饋食以延留之

春月

王恭美姿容人多悅之或目之曰濯濯如春月

松檟

董卓尸於市天時始熱卓素充肥脂流於

地守尸吏燃火置卓臍中光明達曙

忽肥

說苑

云庾公過周伯仁曰君何所欣而忽肥庾曰君復何所憂而忽瘦伯仁曰吾無所憂直是清虛邇來滓穢自去耳

癡狂

沈昭畧常遇王約張目

視之曰汝是王約耶何乃肥而癡約曰汝沈昭
畧耶何乃瘦而狂

八風

中宗復位祝欽明爲祭

酒帝與羣臣宴自言能八風舞帝訝之欽明體

肥醜據地搖頭睨目帝大笑盧藏用曰是舉五

經掃地

太牢

灑水燕談云王洪張亢同在南京

晏元獻幕張肥大王以太牢目之王瘦小張以

獼猴目之一日有米船至八百里村水淺當剝

載張往督王曰所謂八百里剝也張曰未若三

千年精矣

盛肥

歸田錄云盛文肅公豐肥丁晉

公踈瘦時語盛肥丁瘦為樂談叢云東都曹生

言范右相既貴接親舊情禮如故它亦不改世

未有也然體面肥白潔澤豈其胷中亦以為樂

耶移孔梁沈約久處端撥志望台司武帝終不

用乃與徐勉書陳情言已病百日數旬華帶常

應移孔以手握臂率記月小分半欲事求歸老

之秩勉為請三司之儀帝不許但加鼓吹鬼貌

盧杞鬼貌藍色纖瘦李賀為人纖瘦通眉長指

爪能疾書知人趙文子其身退然如不勝衣其

言呐呐然如不出諸口所舉於晉國筦庫之士七十餘家時以爲知人

短

說苑云齊遣淳于

髡到楚爲人短小楚王甚薄之謂曰齊無人而使子來何長也對曰臣無所長臣腰中七尺之劍欲斬無狀王王曰止言但戲子耳即與髡共飲酒又龔遂召見形貌短小宣帝望見不副心內輕焉

巨靈

漢武故事云東郡送人短長七寸

衣冠具足疑其山精常令在案上行召東方朔問朔至呼短人曰巨靈汝何忽叛來阿母還未

短小指朔謂上曰王母種桃三千年一作子此
兒已三偷之矣**精悍**顏延年爲人短小精悍敏
于事又李紳爲人短小精悍**自慙**後漢馮勤祖
偃長不滿一尺常自恥短陋恐子孫之似也乃
爲子伉娶長妻伉生勤長八尺三寸伉至尚書
遷司徒**無項**續世說云五代崔善爲左丞令史
惡其聰察以其身短而偃朔之曰崔子曲如鈎
隨例得封侯膊上全無項骨前別有頭**中大**裴
晉公纜中人而神觀邁英平蔡有功名震四夷

使外國者其君長必問度年今幾狀貌孰似其
自贊云爾形不長爾貌不揚**不貢**陽城為道州
刺史州產侏儒歲貢諸朝城哀其生難不進德
宗使求之城曰州民盡短小若以貢不知何者
可供自是罷**委頓**左思貌醜而口訥遊遨於市
羣姬亂唾之委頓而還**形衰**魏武將見匈奴使
自以形衰面陋不足雄遠國使崔琰代帝自捉
刀立牀頭既畢令間諜問曰魏主何如匈奴使
答曰魏主雄望非常然牀頭捉刀人此乃英雄

也魏武聞之追殺使者**形陋**宋沈攸之詣領軍

劉遵考求補遵考以爲形陋不堪及明帝世攸之以功爲中領軍封公遵考爲光祿大夫攸之在御坐謂遵考曰形陋之人今何如帝問之攸之以實對帝大笑**不揚**盧攜貌不揚常以文上

尚書韋宙韋氏于弟輒肆輕侮宙曰盧雖人物不揚觀其文章有首有尾異日必貴**寢陋**歐陽

率貌寢陋長孫無忌嘲之云誰令麒麟上畫此一獼猴**麀頭**李揆傳初苗晉卿數薦元載揆輕

載地寒謂晉卿曰龍章鳳姿士不見用磨頭鼠
目子乃求官耶載聞啣之**疎瘦**王欽若貌踈瘦
舉止山野頭贅於頸嘗以文謁錢公希白希白
頗蔑視之有術者曰此乃人中之貴何可輕也
公曰中堂內便有此等宰相乎術者曰第恐不
免事不遠矣**禘端**唐蔣凝美風標每到朝士家
以爲祥瑞朝士中號爲玉笋班**六郎**張昌宗以
姿貌幸楊再思曰人言六郎似蓮花正謂蓮花
似六郎**桓溫**桓溫自比宣帝劉琨嘗得一老婢

訪云乃劉琨妓女也一日見溫潛然泣曰公甚
似劉司空溫大悅出外整理衣冠又問婢云面
甚似恨薄眼甚似恨小鬚甚似恨赤形甚似恨
短聲甚似恨雌溫於是褫冠解帶昏然而睡不
怡有累日 **黑生** 王武恭狀貌魁偉而面色正黑
雖匹夫下卒閭巷小兒外至遠夷君長皆知其
名識與不識稱之曰黑王相公北虜常呼其名
以驚小兒 **蜀嬰** 或問荀文若趙稚長云何曰文
若可使弔喪稚長可使監厨注荀但有儀容故

可弔喪趙有大腹徒斲肉故可監厨

麒麟

朝野

僉載云揚炯每見朝官目爲麒麟宣言如弄假
麒麟刻畫頭角修飾皮毛覆之驢上巡場而走
乃脫皮褐還是驢焉無德而衣朱紫與麒麟何
異**聖**唐贊云賈耽杜佑令狐楚皆醉儒大衣
高冠雍容廟堂道古今處成務可也以大節責
之蓋珉中而玉表歟**堂**五代安千秋事唐晉
累更藩鎮千秋爲人狀貌堂堂而不通文字人
謂之沒字碑晉末爲金吾上將軍契丹犯京師

晉百官迎于赤岡千秋出班夷言耶律光勞曰
是安沒字碑否當與汝一喫飯處釋李白以
杜甫慳齷故有飯山之嘲其詩曰飯潁山頭逢
杜甫頭戴笠子日亭午爲問因何太瘦生總爲
從前作詩苦

神彩

爲官

漢徐生善爲頌孝文時以頌爲禮官大夫
傳子至孫延襄襄之姿性善爲頌不能通經延
頗能未善也襄亦以容爲大夫至廣陵內史註

頌音容

拭目

溫彥博進止詳華人皆拭目觀

屬

目

高士廉進止詳華凡有獻納縉紳皆屬以目

魁秀

魏謩姿表魁秀

為容

陳叔達善為容

秀偉

蕭得聖姿寓秀偉氣孤峻

嚴峭

韋斌容止嚴峭

皆竦

崔敦禮善辭令進止觀者皆竦

軒秀

嚴挺

之姿質軒秀

瓌秀

呂元膺姿儀瓌秀

郁雅

張洎

舉止都雅帝悅之

峻整

王播儀矩峻整著彌于

時

鄭畋姿采如時玉

右道

馮定偉儀觀與

宿齊名人方漢二馮文宗詔開元霓裳羽衣舞

參以雲韶列于庭部諸工立縣間端凝若植帝
異之**整謂**崔遠有文而風致整峭世慕其爲人
目曰釘座梨言所珍**雍閑**裴休爲人醞籍進止
雍閑宣宗嘗曰休真儒者**自安**魏元忠始以諸
生見高宗慰遣不知謝即出儀舉自安帝目送
謂薛元超曰是子未習朝廷儀**宜相**蕭志忠出
爲晉州刺史治有名默歿遣大臣來朝見志忠
風采逡巡畏俯謂人曰宜相天子乃何居外乎
不煩裴諤性通綽舉止不煩**高巖**劉伯芻風度

高嚴

軒異

趙昶神采軒異

雄偉

五代閩王審知

爲人狀貌雄偉隆準方口

爽邁

裴度退然才中

人而神觀爽邁**嚴信**崔從爲人嚴偉立朝稜稜

有風望**秀爽**趙彥昭風骨秀爽**疑遠**宋璟風度

疑遠人莫涯其量**玉山**李白上裴長史書昭昭

乎若玉山上行朗然映人也**虛表**明皇雜錄云

帝拜蘇頲爲相命蕭嵩草制不工帝欲令換之

不欲斥言因制中有云國之懷寶乃指瓌字曰

不可言其父名卿宜易之嵩不悞但改瓌爲珍

帝見擲于地曰虛有其表以嵩魁偉多髯

神寒

李賀唐兒敢骨重神寒天廟器一雙瞳人剪秋

水

秋準杜甫魏將軍歌魏侯骨聳精爽緊華嶽

峯尖見秋準

清爽

上令左右求堪為王府長史

太常卿姜皎婺源乾曜公清有吏幹因召見與

語乾曜神氣清爽對答皆有論序上甚悅拜少

府少監邠王長史

神清

孔季詡永昌初曜制科

授秘書郎陳子昂嘗稱其神清韻遠可比衛玠

不俗

吳保安氣挺特不俗

髑髏

頂也

說文云髑髏頂也

顛顛

廣雅云顛顛謂之

髑髏

莊子

莊子云莊子使楚見空髑髏擊以馬

捶而問曰夫子貪生失理而爲此乎將以凍餒之患而爲此乎語卒枕髑髏而臥夢曰夫死無君於上無臣以下亦無四時之事與天地爲春秋雖南面帝王樂不能過也

爲戲

魏畧云王忠

先因飢噉人五官將與共從駕出行過塚間令取道傍死人髑髏繫著忠馬鞍上以爲戲笑

捐

謂列子適衛食於道從者見百歲髑髏據蓬而
指顧謂弟子百豐曰唯予與彼知而未嘗生未
嘗死也**披麻**炙穀子云元和初市有披麻短女
子長三尺許咄咄若有所尤每云千忍萬忍終
須決一場不施伊忽一日遇一小兒徑前去其
衣乃一青竹安髑髏耳**極天**荊州記云長沙蒲
折縣有呂蒙塚塚中有一髑髏極大疑即蒙髑
髏也**葬塚**廣州記云盧循襲廣州風火夜發奔
免者數千而已循除諸燒骨數得髑髏三萬餘

於江南洲上作大坑葬之今名共塚

破飲

異物

志云烏潞人鬪骸破飲酒

火起

續搜神記云永

嘉五年張榮為高平戍邏主時遭曹疑賊寇亂
見山中火起人馬鎧甲聲謂疑賊上巖出欲擊
之到山無人明日往視唯見鬪骸百頭布散山
中**鬪骸**後漢張衝鬪骸賦云張平子將遊目於
九野顧見鬪骸悵然問之曰子將并糧推命以
夭逝乎本喪此上流還來乎答曰吾宋人也姓
莊名周公子以何問之對曰我欲告神起子素

骨及子四肢骸曰死爲休息生爲役勞冬之
水凝何如春水之消今我與造化爲逍遙與陰
陽同其流元氣合體雲漢爲川池星宿爲珠玉
雷霆爲鼓扇日月爲燈燭合體自然無情無欲
不行而至不疾而速又晉呂安髑髏賦云見藝
文類聚

魂魄

爲變易云精氣爲物游魂爲變攸歸郊特性云
魂氣歸于天形魄歸于地**鬼盛**禮記云氣者神

之盛也魂者鬼之盛也**精爽**左傳云心之精爽

是謂魂魄**始化**又云子產曰人生始化曰魂既

生日魄**俱氣**淮南子云天氣爲魂地氣爲魄**恒**

恒白虎通云魂者何謂也魂猶怵怵也行不體

也動則主於情魄者白也猶着人者也主於性

大藥抱朴子云師言欲求長生當服大藥欲得

通神當水火形分形分則自見其身三魂七魄

而天地靈祇皆可接山川之神皆可役也**物性**

韓詩外傳云溱與洧謂鄭國之俗三月上巳于

水上招魂續魄祓不祥也**何吉**離騷云百年信

荏苒何為苦心魂**招魂**離騷云招魂篇曰招魂

者宋玉之所作也玉哀屈原忠而斥棄魂魄放

逸厥命將落作招魂以延其年壽冀懷王覺悟

而還之**無有**淮南子云魂問於魄曰道何以爲

體曰以無有爲體魄曰無有有形乎魄曰無有

魄曰無有何得而問也魂曰吾直遇之耳視之

無形聽之無聲謂之幽冥幽冥者所以喻道非

吾道也**思沛**漢高祖謂沛父兄曰遊子思故鄉

吾雖都關中萬歲後吾魂魄猶思沛也
登市襄陽者舊傳云羊祜與鄒潤甫登峴山垂泣曰我百年後魂魄猶當游此山也
剪紙杜彭衙詩云暖湯濯我足剪紙招我魂
歸魂梁沈炯作歸魂賦云見藝文類聚

神

神降左傳云有神降于葦蕙王問內史曰何故也對曰國之將興神明降之監其德也將亡神又降之觀其惡也
燭龍出海經云西海章尾山

有神人面蛇身而赤身長十尺是謂燭龍又云
蚩尤犯黃帝帝令應龍攻於冀州之野蚩尤謂
風伯所誅大風雨黃帝乃天下女魃止雨遂殺
蚩尤魃不得復上故所居不雨**湘君**列女傳云
舜死于蒼梧遺二妃於湘江之間俗謂之湘君
驅石齊畧記云始皇作石橋欲過海觀日出處
于時有神人能驅石下海石去不速神輒鞭之
流血莫不悉赤至今猶爾又始皇於海中作石
橋成海神爲之豎柱求與相見海神答曰我形

醜莫圖我形乃與帝會巧人以脚畫其狀神怒
曰帝負我約速去始皇轉馬前脚猶立後脚隨
崩僅得登岸盡者溺于海衆山之石皆住今猶
岌岌無不東趨湘山史記云始皇至湘山祠逢
大風幾不得渡問博士曰湘君何神對曰聞堯
女舜妻葬於此始皇大怒伐湘山樹赭其山覆
山又云伍子胥死吳人憐之爲立祠於江上名
曰胥山得渡異苑云吳相伍員廟永嘉中吳郡
人叔父爲臺郎在洛值京都傾覆塗阻寒當濟

江南風得不進既投奏即日得渡將搜神記
云蔣子文者逐賊至於鍾山賊擊傷額而死先
主初年見文乘白馬執白羽扇曰我爲此土地
神爲吾立祠不爾使蟲入耳爲災吳主以爲妖
言後果有蟲入人耳皆死又云不祠我將有大
火是歲數有大火吳主封爲都中侯立廟堂改
鍾山爲蔣山以表其靈王矩王隱晉書云王矩
爲廣州矩至長沙見一人長大著布單衣自持
奏在岸上矩省奏云京兆杜靈之仍入船共語

稱叙希闊矩問君京兆何時發來答曰朝發矩
怪京兆去此數千那得朝發今到杜答云僕天
上京兆去此乃數萬何止數千乎

玉笙

異苑云

衡陽山九嶷皆有舜廟漢零陵人姓奚於舜祠
下得玉笙管舜時西王母獻又曰陸機入洛次
鄆師因往逗宿見一年少神姿端遠與機言玄
門妙訣機心伏其能無以酬稅驂逆旋姬曰此
東數山陽有王家墓耳機悵然還睇昨路空野
崔雲拱木蔽日知所遇者信王弼墓也

白驥

又

云長沙羅縣有屈原廟在汨潭之西岸側盤石
馬跡尚存相傳云原投川之日乘白驥而來
鄭幽明錄云王輔嗣註易輒笑鄭玄夜分忽聞
外閣有着履聲進自云鄭玄貴之曰吾年少何
以穿文鑿句而妄譏誚老子耶言竟便退輔嗣
心生畏惡遇厲疾而卒

曾

臆也釋名云胸臆也
曾拆帝王紀云禹母吞神
珠曾拆而生禹
孔曾春秋孔演圖云孔子之曾

文曰制作定世符運

傷曾

左傳云魏犢夔倍負

羈氏犢傷胸晉文侯愛其才使視之犢束曾而

見使者

披曾

列子云得卯披曾

結曾

山海經云

有結胸國人爲人結曾如人結喉也

貫曾

又云

貫曾國爲人曾有竅中曾漢高祖與項羽對軍

數羽十罪羽伏弩而射漢王

中曾

高祖詐捫指

無疑

史云

清才而果曾無疑事

提曾

于志寧贊

云志寧諫太子承乾幾遭賊殺然未嘗懼知太

宗之明雖七首堪曾不愧也

黑子

唐書云

高力士幼與

母相失後嶺南節度使得之瀧州迎還不復
記識母曰曾有一黑子在否力士袒示之如言
穴曾季密欺王伯當曰豈公一失利輕去就哉
雖殞首穴曾所甘也**迷感**韓退之送文暢北游
下開迷惑曾宰豁斷株糜**指曾**五代王松以手
指曾引郭子儀自誼**獨任**唐史吳兢上言芟刈
股肱獨任曾臆可為寒心**白黑**韓愈集羣書所
以言者懼足下以為吾所與深者多不置白黑
於胸中耳**偃骨**酉陽雜俎云太極真仙中名青

琳青書者胸有偃骨

膽

中正

黃帝素問云膽者中正之官斷決出

懸膽

吳越春秋云越王欲報吳仇懸膽於戶出入嘗

之

一身

蜀趙雲為曹公前鋒所擊且戰且却入

營大開門公軍疑而引去雲插鼓震天弩射公
軍墮漢水死者甚衆先主曰子龍一身都為膽
也軍中號威將軍**膽烈**魏志云樂進容貌短小
以膽烈從太祖**膽過**又云袁紹在黎陽將南度

程昱守甄城太祖欲益其兵昱不肯曰袁紹擁
十萬衆見昱兵少必輕易不攻紹聞昱兵少果
不往太祖曰程昱之膽過於賁育膽示吳志云
呂蒙病篤孫權問曰卿如不起誰可代者對曰
朱然膽守有餘愚以爲可任膽夫世說云姜維
死時見剖膽大如斗膽破南史云王融矯詔立
竟陵王子良大學生魏準鼓成其事及融誅召
準入舍人省語問遂惧而死舉體皆青以爲準
膽破堅定劉琨書云膽識堅定臨難無苟免之

意未堅

管輅別傳云輅年十五見瑯琊太守單

子春客百餘人有能言之士輅曰府君名士加有雄貴之資輅年少膽未堅剛請先飲酒三斗子春大喜酌三斗獨使飲之於是人人答對言皆有餘

膽論

魏嵇康明膽論云有吕子春者精

義味道嚴覈是非以爲人有膽可無明有明便有膽矣嵇先生以爲明膽殊用不能相生論曰夫元氣陶鑠衆生稟爲賦受有多少故才性有昏明唯至人特鍾純美兼周外內無不畢備降

此已往蓋闕如也或明於見物或勇於決斷人情貪廉各有止譬諸草木區以別矣兼之者博於物偏受者守其分

鬚

釋名

說文云鬚口上鬚也髯頰上鬚也鬣長鬚

也**括元**

六帖云奮髯抵几

示顯

左傳云宋華元

多鬚爲鄭敗宋人歌曰于顯于顯棄甲復來

軍

卻超多鬚人謂之多髯參軍**無鬚**荀子云傳

說之狀秃無鬚眉

滅鬚

幽通賦云衛蒯躄亂子

羔滅髭鬚衣婦人之衣逃得出曰父子爭國吾何爲其間乎

拔髮

紹紀云

拔髮毒鬚爲宦者爲

百

後漢岑彭從光武圍隗囂於西城帝留蓋延

耿弇圍之車駕東歸敕彭曰兩城若下便將兵南擊蜀人苦不知足既平隴復望蜀每一發兵

頭鬚爲白

銜鬚

後漢

溫序爲隗囂將軍所獲序

臨斬銜鬚曰大丈夫豈宜鬚汚於土

大奇

魏書

城王章爲北中郎將討烏桓有功歸大初喜將

章鬚白黃髮兒大奇

虎鬚

吳紀

桓還屯濡須權

祖之桓奉觴曰臣當遠去願一拚陛下鬚無復

恨權憑几前席桓進拚鬚曰臣今日真謂拚虎

鬚矣紫鬚魏書云張遼問吳降人曰向有紫鬚將軍是

誰降人答曰是孫會稽也喜怒晉書云鄒超爲大司馬

桓溫參軍溫傾意禮待時王恂亦爲溫主簿亦

爲所重府中語曰髯參軍短主簿能令公喜能

令公怒拚鬚世說云謝安拚桓伊鬚曰使君於此不凡

一毛潘岳春秋三十有二始見二毛毛際晉書云劉琰

稱桓溫鬚作蝟毛多鬚世說云鍾毓兄弟好

嘲聞安陵能作調試共視之於是與弟共載從東門至西門一女子笑曰車中央殊高二鍾都不省車後一門生曰中央高者兩頭抵毓兄弟多鬚故以此嘲之**白鬚**晉王彪之年二十鬚鬢皓白時人謂之王白鬚**長鬚**劉曜身長九尺三寸垂手過膝生而眉白目有赤光鬚髯不過百餘根而長五尺**威重**魏李珪聲姿高暢眉目踈明鬚長四尺甚有威重**致白**後魏眭夸年二十父喪鬚髮致白**鬚白**後周柳敏遭母憂旬日間

鬚髮半白**齊髯**三國典畧云許惇美髯下垂至帶省中號爲長髯公齊文宣常因酒截其半髯只留一握惇懼不復敢長人號爲齊髯公陳宣帝因內晏王執侍坐上壽將帝鬚曰可愛好老公但恨後嗣弱耳以叔寶非社稷主也**種鬚**李庶以清辯每接梁客徐陵謂其徒曰唯有李庶可語耳庶無鬚髯人謂天閹崔謏嘗詆庶曰教弟種取錐刺而爲竅以馬尾插之世傳諸崔多惡疾故庶答曰先以方回施貴族藝眉有効然

後種鬚邢邵笑謂湛曰卿不諳李庶何故犯之

好髭李緯爲民部尚書太宗問曰房玄齡聞李

緯拜尚書如何對曰玄齡但云李緯好髭鬚更

無他語太宗遽改緯洛州刺史**拂髭**遺事云寇

萊公爲相丁晉公參知政事嘗會食都堂羨染

公鬚謂起拂之公正色曰身爲執政而親爲宰

相拂鬚耶謂慙**帛纏**晉張華多鬚好以帛纏之

陸雲見之笑不能止**剪鬚**李勣嘗暴疾醫曰用

髮灰可治帝乃自剪鬚以和藥**張巡鬚髯**

每怒盡張**婦鬚**李光進母李有鬚數十根長五

寸**相尖**酉陽雜俎云太宗虬鬚嘗戲張弓柱矢

鬚國又云有土人泛海至一處問之曰長鬚國

也其王以公主妻之主亦有鬚土人賦詩曰花

無葉不妍女無鬚亦醜乃羣鰕所聚也**九尺**杜

云張公一生江海客身長九尺鬚眉蒼

髮

髮膚孝經云身體髮膚受之父母不敢毀傷

髮內則云收髮結之**髮**彼兩髦**髮**

雲鬢髮如雲不屑髦也**如蕪**詩都人士云卷髮

如**蕪黃髮**詩閔宮云黃髮兒齒**曲局**詩又云米米綠綠

予髮曲局**詢老**秦誓云尚猶詢茲黃髮則罔所

愆**垂髮**陶文云黃髮垂髻**宋髮**歸藏啓筮云共

工人面蛇身朱髮**被髮**箕子被髮佯狂又傳左平

王東遷有莘氏適伊川見被髮而祭于野者曰

不及百年此其戎乎其禮先亡矣後秦晉遷陸

渾之戎於伊川又孔子云微管仲吾其被髮左

衽矣**斷髮**古史云周太伯避位斷髮文身逃之

荆蠻**老子**世說云老聃初生而髮白故云老子

少白家語云顏回二十九歲而髮白**拔髮**漢元

鼎間邳支國貢馬肝石百升以之拭髮白者皆

黑髮**續**鈔書紀事云謝靈運欲入遠公社遠公

拒之曰子髮續而鬚美面與身戾非令終之相

運怒曰學道在心安以貌耶遠公笑而不答後

果如所言**宿白**齊謝超宗武帝收超付廷尉一

宿髮白**拔髮**齊高祖恒令左右拔白髮隆昌王

高祖之孫年五歲戲於牀前帝曰兒言我是誰

答曰太翁帝曰豈有爲人曾祖拔白髮乎即擲

去鏡

班白

後魏李冲年四十鬢髮班白

輒白

唐李白知母老病調侍數日鬚髮輒白

鐵線

大

中遺事云軒轅先生居羅浮山宣宗召禁中問

道術能散髮箕踞用氣攻其髮條條如鐵線直

一髮

雜志云冲卿戲謂髮白者未鐻時皤然一

翁鐻盡時公然一婆

留談

天寶九載貴妃復得

遣還外第妃令中人張韜謝帝曰妾當萬誅然

膚髮外皆上所賜今且死無以報引刀斷髮一

繚奏之曰以此留訣帝遽召入禮遇如初**髮動**
顏果卿彼殺狗首于衢莫敢收有張湊者得其
髮持謁上皇是昔見夢帝寤為祭後湊歸髮于
其妻疑之髮若動云**風髮**異聞錄云柳毅見龍
女風髮霧鬢**五尺**樵牧閑談云李山甫美姿容
而多髮鬢然五尺餘每沐出命侍婢捧大金盤
承而櫛之有相者疑其婦人呼之方寤**繞髻**東
觀漢記云明德后美髮為四起大髻但以髮成
尚有餘繞髻三匝**持髮**又云和喜皇后六歲諸

兄持后髮后曰身體髮膚受之父母不敢毀傷
孝之始也柰何弄人髮乎**歡髮**晉書云陶侃爲
吏鄱陽孝廉與親友遇侃宿母截髮以供賓諸
客歎曰非此母不生此子也**割髮**曹瞞傳云太

祖行軍令卒士無敢麥犯者死騎士皆下馬持
麥以相付時太祖馬騰入麥中太祖曰制法而
自犯之何以帥帥下然孤爲軍帥不可殺請自
刑因拔劍割髮以**星星**何遜白髮詩云絲
白不難染蓬生本易扶唯此星星髮獨與衆中

殊如雪高蟾云人生莫遺頭如雪雖得春風亦
不消添白趙企云青銅不覽一兩日白髮又添
三四莖思邈人之有髮今旦旦思理有身有心
今胡不如是梁巽陸展染白髮將以媚側室青
青不解久星星行復出亦莖白髮太無情朝朝
鏡又生始因絲一縷漸至雪千莖不避佳人笑
唯慙稚子驚新年過半百猶嘆未休兵

手

兩鬢

詩云兩鬢如手

六轡

又云六轡在手

共飯

禮云共飯不擇手

所措

大學云十手所指其巖

乎**啖君**

論語隱義云齊桓公北伐中山還倚柱

嘆曰天下珍物悉易得未得人肉食易牙歸斷

其兒兩手以啖君

失手

蕭何追韓信漢王如失

左右手

即展

漢書鉞弋夫人兩手皆奉武帝披

之手即展號曰鉞弋夫人

羹爛

後漢劉寬欲朝

婢翻羹汚朝衣婢以手收之寬曰徐徐羹爛汝

手乎

母嘗

搜神記云周暢至孝每出母欲呼之

自齧手暢心痛即馳歸

鉤文

論語摘輔象云仲

弓鉤文在手是謂知宰我握戶是謂守道于游
握文雅是謂繁土公冶長手握輔是謂道于夏
握五是謂受公伯周手握直期是謂病惡鼠傷
晉高平劉柔夜鼠傷其手指惡之問淳于智智
即以朱書腕後橫文爲田字夜露手而臥明有
一大鼠手前死斷手燕丹子云太子與荆軻置
酒美人鼓琴軻曰奸手太子即斷其手以玉盤
盛而奉之繩貫魏畧云鮑出自文才屬代飢出
採蓬子母在家爲賊繩貫手掌驅去出走斬賊

奪母而還**如夷**詩云手如柔荑**摻摻**又云女手

可以縫裳**為魯**宋仲子生而有文在其手曰為

魯夫人**如云**房玄齡辭位帝遣使謂曰國家相

眷賴久一日去良弼如云左右手**握手**玄齡疾

甚帝新握手與**夾東**太宗討高麗玄齡上疏

曰為中國患無如突厥而大小可汗相次**東手**

摸稜蘇味道為相持具位未嘗有所發明指章

自營而已嘗謂人曰**夾事**不欲明白誤則有悔

摸稜持兩端可也故世號**摸稜手****手弱**王微襲

王煜作亂煜逼召徽及偕號迫羣臣作誓牒徽
託手弱卒不肯署**手廢**盧照鄰客東龍門山疾
甚足牽一手又廢**過膝**前蜀王衍垂手過膝**盡**
手五代李襲吉晉王與梁有隙交兵累年後晉
王數困欲與梁通和使襲吉爲書諭梁辭甚辨
麗梁太祖使人讀之至于毒手尊拳交相於莫
夜金戈鐵馬蹂踐於明時歎曰李公僻處一偶
有士如此**手亦**莊宗嘗問高季興曰吾已滅梁
欲征吳蜀何者爲先季興曰宜先蜀臣請以本

道兵先進莊宗大悅以手拊其背季興因命工
繡其手迹于衣歸以爲榮

辟憲

裴琰之爲同州

司戶名動一州號霹靂手

手大

酉陽雜俎云翟

天師名乾祐長六尺手大尺餘每揖人手過肩

俾縮

宦者**亦威**柄下遷政在宦人舉手伸縮便

有輕重

唾手

褚遂良翔檜雲朝唾手可取

手文

閱二云成季之將生也桓公使楚丘之父卜之
曰男其名友及生有文在其手曰交遂以命之

龜文

莊子云宋人有不龜手之藥者世世以泝

游統爲事客聞之請買其方百金與越人水戰
大敗越人**同色**晉王衍每捉玉柄麈尾與手同
色**須臾**元載時委左右四人用事權傾中外人
爲之語曰鄭揚段薛炙手可熱**五斤**陸餘慶善
論事而謬於判時人嘲之曰說事喙長三尺判
事手重五斤**翻覆**杜詩云翻手作雲覆手雨**遮**
日又云惆悵江湖釣竿手却遮西日向長安**舞**
蹈孟子云不知手之舞之足之蹈之**親下**家語
云上之親下如手足之于腹心**捍履**荀子議兵

云下之於上若手臂之捍頭目而覆胃腹也

胼

胼 李斯傳云手足胼胝面目黎黑

足

龜文

抱朴子內篇云老君足下龜文又漢書云

宣帝足下龜文有毛

宣帝足下有毛

失足

禮云

不失足於合

憂色

禮云樂正子春下堂而傷其

足數月不出猶有憂色曰父母全而生之子全

而歸之可謂孝矣予虧孝道是以有憂也

不良

傳云卻克足不良

啓予

曾子病啓予手啓予足

撲武

堂上接武堂下布武注武足跡也

天理帝

召王微爲御史大夫固辭足痺**用傷**說命云若

跣弗視地厥足用傷**搖足**蕭何傳云搖足則關

中非陛下有也**無股**莊子云禹決江河腓無股

脛無毛**重蘭**楚攻宋墨子自魯趨而十日十夜

足重蘭而不休息至郢見楚王**重脰**傳云申包

胥如秦乞師踰越險阻曾蘭重脰立於秦庭號

哭七日**不良**孟繁之足不良于行注跛也

江州刺史王弘半道要淵明還州問其所乘答

云素有脚病向來藍輿亦足自反乃令一門生

二兒共輿之**病廢**習鑿齒以脚病廢千里巷符

堅滅樊鄧素聞其名與釋道安俱舉而致焉與

語大悅以其蹇疾裁堪半丁**脚短**世說云庾王

臺希之弟也希誅將戮玉臺于婦宣武帝桓豁

女徒跣突入號泣請曰庾玉臺常因人脚短三

寸當復能作賊否宣武曰壻故自急遂原玉臺

一門**致傲**梁陰子春傳云身服垢汚脚數年一

洗言每洗脚則失財敗事**屈膝**田承嗣傲狠不

靴子儀遣使至魏承嗣西望拜指其膝曰茲膝
不屈於人久矣今爲公拜**足疾**姚崇爲相張說
懼譖毀岐王申欵他日崇對於便殿行微蹇上
問有足疾乎對曰臣有腹心之疾非足疾也**疾**
辭穆宗立以左散騎常侍持節爲回鶻告哀使
以足疾辭不許肩輿就道**自置**藩鎮李師道浮
圖圓靜者年八十餘嘗爲史思明將驍悍絕倫
旣執力士權其脛不能折罵曰豎子折人脚且
不能乃曰健兒因自置其足折之且嘆曰敗吾

事不得見洛城流血

黑點

唐明皇雜錄云安祿

山初爲張韓公帳下走使之吏韓公嘗令祿山
洗足韓公脚下有黑點子祿山因竊窺之韓公
顧笑曰黑子吾貴相汝亦能有之乎祿山曰某
賤人也不幸兩足皆有此將軍者黑而加大韓
公竒而翫之益親厚

捧足

唐史上皇至咸陽

在望賢宮帝拜舞於樓下上皇降樓撫帝而泣

帝捧上皇足嗚咽不自勝

墮車

元德秀爲魯山

令前此墮車足傷不能趨拜太守待以客禮

酒

濯馬周初入京至灊上逆旅數公子飲酒不顧
周周卽市斗酒濯足傍衆異之**迷跌**史云馮道
嘗戒明宗曰臣奉使過井陘之險懼馬蹶失不
敢怠於銜轡及至平地謂無足慮跌而傷凡陷
危者慮深而獲全居安者患生于所忽**蠶生**坡
云一夜蠶生足

臂

割臂傳云魯莊公許孟仕爲夫人孟乃割臂而
盟之遂生公子班**斷臂**崔杼弑莊公申繻後至

將入御止申崩聞君死請入門者告崔子崔子
曰勿納削曰汝疑我與汝臂斷左臂與門者門
者將示崔子遂入崩遂拔劍呼大躍而闖殺七
人未及崔子一斗而死

四肘

春秋元命苞云湯

臂四肘是謂神剛象曰推移以綏四方

伸臂

蜀

志云關羽爲流天中左臂陰雨常痛伸臂與醫

割骨去毒流血盤中神氣自若

使臂

傳云若身

之使臂

猿臂

漢書云李廣猿臂

左長

淮南子云

羿臂左長而善射

折臂

幽明錄云羊叔子父墓

人相曰有帝王氣叔子捉斷之後相者再至相
曰當出折臂三公叔于馬墜折臂過蜀志云
先主長七尺五寸目顧見耳臂垂過膝續
漢書云梁冀振動天下帝呼單超等五人謀誅
梁冀帝齧臂爲盟也續交州記云儋耳國東
有一臂國人皆一臂也續王珂牙將劉訓叩
寢門珂疑有變叱之訓自袒其衣白苟有它請
斷臂龍奮程公穎稱張亮臥若龍當大貴亮曰
國家殆必亂吾臂龍鱗奮矣連臂唐史云叛臣

陳敬瑄黃巢亂僖宗幸奉天敬瑄夜召監軍梁處厚奉表迎帝僖至行宮令孜亦倡西幸敬瑄以兵三千護乘輿穴從內苑小兒先至敬瑄知素暴橫遣邏士伺之諸兒連臂歎咋行宮中士捕擊之呼曰我事天子者敬瑄殺五十人尸諸衢由是道路不譁

印臂

史諱錄云明皇開元初

被進者曰印選以綢繆記印臂上曰風月常新

印以挂紅膏則水洗不退其色

如臂

陸贄云王

畿如臂而四方如指此天子大權也

臂

皇肅

湜命其子錄詩一字悞嘯其臂流血把臂杜甫
云苦戰行臨江把臂難舟得臂短謝靈運詩云
李牧媿長袖

夢

六夢春官云占夢掌其歲時觀天地之會辨陰
陽之氣以日月星辰占六夢之吉凶一曰正夢
二曰噩夢三曰思夢四曰寤夢五曰喜夢六曰
懼夢豐年詩云大人占之衆維魚矣實維豐年
旒維旗矣室家濼濼熊羆又云吉夢維何維熊

維罷男子之祥維虺維蛇女子之祥**異夢**列子

云陰氣壯則夢涉大水而恐懼陽氣壯則夢涉

大火而燔灼浮虛爲疾者則夢揚沉實爲疾者

則夢溺**無夢**文中子云至人無夢**同夢**詩云甘

與子同夢**魂交**莊子云其夢也魂交其覺也形

開**不夢**莊子云貞人其寢無夢其覺無憂**厭旬**

真誥云數遇惡夢一曰魂妖二曰心賊三曰尸

賊夢覺以左手蹶人中二七遍豕齒二七遍反

凶成吉夜遇喜夢覺當摩目二七叩齒三七遍

夢

世紀云黃帝夢大風吹天下之塵垢皆去
又夢人執千鈞之弩驅羊數萬羣帝寤而嘆曰
風爲號令執令者垢去土解清治者天下豈有
姓風名后者哉千鈞之弩異力能遠者驅羊數
萬群是能善牧者天下豈有姓力名牧者哉依
二夢占而求之得風后于海隅登以爲相得力
牧於大澤進以爲將

華

列子云黃帝憂天下

之不治竭聰明盡智力五臟異感乃退居大庭
之館齋心服形三月不親政事晝寢而夢遊於

華胥氏之國既悟恬然自得曰今知至道不可
以情求矣又二十有九年天下大治幾若華胥
之國而帝登遐**產棘**周書云太姒夢商之庭產
棘太子發取周庭之梓樹於闕化爲松柏以告
文王乃召太子占之于明堂王及乃與發並拜
吉夢受商之大命于皇天**祖道**左傳云楚子成
章華之臺願與諸侯樂之大宰召公公將往夢
襄公祖梓慎曰君不果行襄公之適楚也夢周
公祖而行今襄公實祖君其不行于服惠伯曰

行先君未嘗適楚故周公祖以道也襄公適楚
矣而祖以道君不行何之三月公如楚**秋駕**春
秋云尹儒學御三年無得夜夢受秋駕於師明
日朝其師而謂之曰吾非愛道也恐子之未可
予也今日將教子以秋駕尹儒再拜曰今臣夢
受之於師者秋駕也**夢占**長吾子謂扁鵲曰夢
飲酒者旦而哭泣夢哭泣者旦而田獵方其夢
之不知其夢中之夢又占焉無異寤也固乃非
常人之所知**爲賓**列子云西極有人不食不衣

而多眠五旬二覺以夢中所爲者爲實覆鹿又
云鄭人薪於野遇駭鹿擊而斃之藏諸隍主覆
之以蕉不勝其喜俄而遺其所藏之處遂以爲
夢爲順途詠其事傍人聞而取之歸告室人曰
向薪者夢得鹿耶詎有薪者耶今其得鹿是若
之夢真耶夫曰吾據得鹿何用知實夢我妻耶
其妻又疑其爲夢薪者歸復其真夢藏之之處
又夢得之主案所夢而尋得之訟而爭之歸之
士師欲二分之一以聞鄭君相國曰欲辯夢覺惟

黃帝孔丘胡蝶莊子夢爲胡蝶詡詡然飛孫鼎
世說云湯思賢夢見有人負鼎抗俎占曰鼎爲
和味俎者割裁天下豈有人爲吾宰者哉得說
高宗夢傳說使百工營求諸野得諸傅岩王曰
夢帝賚予良弼說築傅岩之野惟肖夢龍昭七
云晉侯有疾夢黃熊入于寢門問鄭子產對曰
昔堯殛鯀於羽山其神化爲黃熊以入于內淵
實爲夏郊晉爲盟主其或未祀也乃祀夏郊晉
侯有間賜子產莒之二方鼎立子又云衛襄公

夫人姜氏無子嬖人媢始生孟繫孔成子夢康
叔謂已立元余使羈之孫圉與史苟相之史朝
亦夢康叔謂已余將命而子苟與孔烝鉏之曾
孫圉相元史朝見孔成子告之夢夢協故立靈
公乘龍漢記云光武夢乘龍上天覺悟心中動
悸問焉異異拜賀曰天命發於精神心中動悸
大王重慎之性也異與諸將定議上尊號歸葬
袁克漢記云温序爲隗囂所殺世祖詔洛陽城
傍爲塚長子壽夜夢序告之曰久客思歸壽即

葉官上書歸葬**取穗**續漢書云蔡茂夢大殿有三穗禾茂取中穗輒復失予以問主簿郭賀賀慶曰大殿有禾人臣上祿也中穗中台也禾失爲秩君其爲公旬月而茂徵焉**二棺**後漢李充夫人夢天落二棺於充前問索統曰棺者職也當有人舉君二官再遷果然**生男**李充夢見一虜脫上衣索統曰虜去上男字也夷狄陰類婦當生男也果如其言**去鉤**三秦記云堯時洪水停船此池通白鹿原人釣漁於原綸絕而去魚

夢於漢武帝求去其鈎明日帝戲於池見大魚
御索帝曰豈非昨所夢乎取魚去其鈎而放之
臭穢或問殷浩曰得位而夢棺得錢夢糞何也
浩曰官本臭腐故得官而見屍錢本糞土故得
財而夢穢時以爲名言**夢牛**蜀蔣沔夜夢一牛
頭懸門下流血滂沱趙直曰見血者事分明也
牛角及鼻公字之象位當爲三公果爲中書令
豎竿索統傳張斌當舉孝廉夢豎竿中天統曰
此未字也斌果停**生松**孫皓傳云吳丁固爲尚

書夢松生其腹上謂人曰松字乃十八公也後
十八歲吾其爲公乎卒如夢焉**椽筆**王珣夢人
以大椽筆與之語人曰此當有大手筆事**射月**
晉呂錡夢射月中占之曰姬姓日也異姓月也
必楚王也**四刀**晉書云王濬夢懸四刀於壁間
主簿李毅曰三刀爲州而又益一刀其臨益州
乎**入天**王隱晉書云陶侃少漁於雷澤夢背上
生翅飛入天門見門非常不敢入而下**蛇書**又
云唐琮夢蛇繞身遂效其形而作草蛇之書

繞

晉明帝微察王敦營壘敦正晝寢夢日環其

城驚起曰此必黃鬚鮮卑奴也

夢別

魏徵疾太

宗夢與徵別是夕徵卒故御製碑文云昔高宗

得良弼於夢中朕今失賢臣於覺後

得錄

述征

記云陳留周氏婢入山採樵夢一女子曰吾眼

中生刺乞拔之當厚報婢於朽棺中見髑髏草

生眼乃拔之得金銀一雙

易頭

幽明錄云賈弼

夢見人曰愛君美貌欲易君頭遂許之後能半

面笑半面啼兩手把筆文詞各異

徵蘭

燕估夢

天使與已蘭曰妾不才幸而有子將不信敢徵
蘭乎文公曰諾坐穆公名之曰蘭**天樂**秦穆公
夢游天上觀釣天廣樂帝賜卅命秦大昌**授筆**
江淹夢授五色筆文詞日麗**吞鳥**羅含夢吞五
色鳥詞學乃日新**日天**吳志云孫堅夫人夢日
入懷中而生策**腸繞**孫堅母夢腸繞吾昌門鄰
母曰安知其非吉徵也**涉洄**左傳云聲伯夢涉
洄歌曰濟洄之水贈我以瓊瑰懼不敢占之瓊
三年而後言言之至暮而卒**穴脚**張邈奉使夜

夢狼咬一脚統曰脚肉被咬爲却字當不行不
應命而卒**冰上**春秋月令云令狐策夢立冰上
與冰下人語統曰冰上爲陽冰下爲陰冰上人
與冰下人語爲陰請陽媒介事也士如歸妻迨
冰未泮君其爲人作媒乎旣而太守田約因策
爲子求張氏女至仲春而成婚**神祐**魏太史問
周宣夢見芻狗得飲食又云夢見日有火災皆
驗太史曰三問皆不夢即試君耳何以皆應曰
神靈祐君與夢無異**馬舞**黃平夢云屋中馬舞

數十人向馬拍手索統曰馬火也馬舞火起也
向馬拍手救火也平未歸而火發雙陸武后問
狄仁傑曰朕夢雙陸不勝何也仁傑與黃方慶
俱對曰雙陸不勝無子也天其意者做陛下乎
且太子天下本本一搖天下危矣雙筆李嶠為
兒時夢人遺雙筆自是有文辭楓生張志和母
夢楓生腹上而產志和告易王勃嘗讀易夜夢
若有告者曰易有太極子勉思之寤而作易發
揮數篇長庚李白之生母夢長庚星因以命之

鳳集

王遠知母晝寢夢鳳集其身因有娠

夫有

肅宗在東宮后章敬皇后吳氏因蒙幸忽寢厭
不寤太子問之辭曰夢神降我介而劒決我脅
以入殆不能堪燭至其文尚隱然生代宗為嫡
皇孫**持金**劉漢宄董昌使斬于市叱刑者曰吾
節度使非庸人可殺我嘗夢持金殺我者必錢
鏐也昌命鏐斬之**盜羊**酉陽雜俎云許超夢盜
羊入獄元稹曰當得城陽令後封陽城侯**夢錦**
李瑩暇日讀夢書云夢虺夢糞者獲財因以銘

之財貨將至夢寐可尋或穢或虺乃玉乃金穢
可親歟虺可玩歟敢獻斯銘以激貪夫秦夢王
維詩云莫驚寵辱非憂喜弗計恩讐浪苦辛黃
帝孔丘何處問安知不是夢中身春夢岑參詩
云洞房昨夜春風起遙憶美人湘江水枕上片
時春夢中行盡江南數千里春夢黃梁欲熟且
留連謾道春歸莫悵然胡蝶豈能知夢事遽遽
飛墮晚花前夢餘劉貢父詩云青苔滿地初晴
後綠樹無人晝夢餘惟有南風舊相識徑開門

戶又翻書**夢賦**王延壽夢賦云齊桓夢物赫以
鞠武丁夜感得賢佐周夢九齡充百慶晉文監
腦國以競老子役鬼爲神將轉禍爲福永無恙
又云曾有異夢意惡之乃作夢賦自厲後溺水
死年二十

類雋卷第十五終